

# Coupe Patrick Riehl



## zu Lamadelaine beim Joé

Haut Samsdes den 7. März 2015 haten d'Fëscher vum Fly Fishing Club aus Lëtzebuerg sech zu Lamadelaine op den Weiheren getraff fir eng zweet Editioun vun der Coupe Patrick Riehl auszefëschen, et handelt sech heibäi ëm een Frëndschafsfëschen zum Gedenken un eisen verstuerwenen Member, den Patrick Riehl. Den Patrick wor een leidenschaftlechen Méckenfëscher an eis een gudden Frënd deen eis leider vill ze fréih verloos huet. Et haten sech also 18 Fëscher anfond fir zesummen an Équipes vun all Kéiers zwee Fëscher dës Coupe auszefëschen, mir haten vun Ufank aus un den festen Wëllen aus der Coupe Patrick Riehl een Fëschen ënnert Gläichgesënnten ze maachen, déi och wann et ëm eng Coupe geet, et awer sollen fäerdeg bréngen mat vill Freed ee schéinen Dag zesummen beim Waasser ze verbréngen, dohir kënn och d'Iddi an Équipes ze fëschen ewell dat d'Gesellegkeet nach méi an den Virdergrond stellen soll. Mir haten dës Joër bei eisen Memberen een Startgeld gefrot dat awer integral an den Besatz vum Fëschweiher investéiert gin ass mam Hannergedanken, dass d'Fëscher erréicht richtég zefriddn sin wann Sie och hir Fësch fänken !



Nodeems d'Équip ronderem déi zee Jempiën, den Luss an den Albert, d'Stänn gesat haten hun mir eis an der Buvette getraff ewou mir d'Équipen bei énger gemitlecher Taas Kaffi ausgeloust hun. Séier haten sech 9 Équipen fond an natiiirlech sin déi üblech Kommentaren heibäi net ausbliwwen, „Oh mam wann déi doten Zweek och nach zesummen fëschen dann gewinnen Sie bestëmmt „ oder „gesäis De mir hun erëm déi schlecht Plazen gezun“ jee ee bëssen sportlechen Éiergäiz stécht an ons Allen dran an gehéiert och onbedéngt dozou. Séier woren d'Staangen montéiert an schon stuungen mir prett do fir dass et konnt ungetuut gin.





Moies sîn zwou Manchen gefëscht gin an Mëttes och zwou. d'Équipen hun mat honnert a l'heure ungebraangen an et sîn direct vill Fësch gefaangen gin., natiirlech woren och erëm déi éng oder anner Ausnahm dobäi esouwuel wat d'Gréisst ewei och wat d'Zort vun den Fësch unbelangt. Déi gréissten Forell wor dem Raymond Paulus vergönnt an Sie hat 60 cm, dodernieft woren awer och erëm zwee kléng Hiechten gefaangen gin an allgeméng gesin konnt d'Resultat mat 115 gefaangenen Fësch sech och weisen loossen. Gewonnen huet d'Équipe Patrick Bartholmé / Jemp Hoffmann mat am ganzen 27 Fësch an 1578 Punkten, déi zweeten Plaz huet d'Équipe Dan Muno / Meis Fränz beluet mat 21 gefaangenen Fësch an 1237 Punkten an fir den Podium ofzerénnen koum d'Équipe Äender Jung / Luss Dilk op déi drëtten Plaz mat 16 gefaangenen Fësch an 928 Punkten. Mir woren dann och ganz houffreg dass onseren Präsident et sech och dëst Joër net huelen gelooss huet den Gewënner d'Coupe Patrick Riehl ze iwwerreechen. Héich erfreet woren mir och dass eisen Sekretär den Arendt Erny eise Frëndschaftfëschchen bäi gewunnt huet an eis domader ënnerstëtzt huet.





Natiirlech muss ech fir ofzeschleissen awer och nach ee puer Wieder iwwert eis lessen las gin. Mir haten teschent den  
 Manche eng kléng Paus angeluecht, énger Säits fir eis ze erbloosen mee annerer Säits awer och fir den Fësch d'Chance  
 ze gin sech ee bëssen ze sammeln. Béiden Säiten huet des Paus wirklech gudd gedoen an mat Genoss hun mir eis vum  
 Joé Ham, Fritten an Zalot zerweieren geloos. Mir hun schéin dobäi gemeet an et wor och des Kéier esou dass mir eis den  
 Dessert an Form vun Äppeltoart erréicht bei der Coupeiwwerechung schmaachen geloos hun. Et ass keen hongreg vum  
 Dësch gaangen an Mëttes haten och vill Fëscher ee bëssen Krempes fir sech ze bëcken mee déi zousätzlech Kalorien hun  
 mir awer Alleguer erëm séier verschafft. Et wor och des Kéier een harmonescht Frëndschaftsfëschen wat séngem Numm  
 all Eier gemeet huet. d'Fëscher waren Alleguer mat vill Begeeschterung bei der Saach an awer stung ëmmer den Sënn  
 vun dësem Zesummen sin am Virdergrond an esou freën mir eis elo schon op eng drëtt Editioun vun der Coupe Patrick  
 Riehl am nächsten Joër. Elo bleiw mir nëmmen nach den Opruff fir dass méiglechst vill Memberen eiser  
 Generalversammlung, den 20. März Freides Oues beim Joé, sollen bäi wunnen an domader weisen dass eisen Club

Hinnen éng Häerzensungeleenheet ass. Hei gët den Bilan vum ofgelaafenen Joër gezun, d' Aktivitéiten fir dat neit Fëscherjoër präsentéiert an duerno déi vergaangen Saison unhand vun éngem flotten Film erëm opliewen gelooss.

